

三品經

梓潼帝君讚

道法玄玄妙清微道德尊萬言妙諦示良因紫氣貫鴻鈞和氣氤氳妙理洩黃庭

高虛清明天主留開經偈

人身有三寶為神與精氣生天生地人無極而太極後天本先天一元分妙緒五德配五行五常權五位三才合撰者三教總歸一斷障除根賊情泯昭玄契天地道法玄玄涵精義玉清上清境太清玄關秘透洩示天人修行有階級至哉妙道言宇宙潛消泯化彼諸眾生溥為增利益

道藏輯要

十六品經
三品經

聖

室集一
xol

至道極玄大乘度劫三品真經上卷

爾時玄元廣法天尊在玉清聖境清微宮中與諸大天尊無極神王飛天大聖同詣元始座下推閱劫會檢錄玄圖天尊憫念下方眾生惡孽過多劫運深重慨爾太息爰迺出班頰頤作禮上白元始天尊前曰下方眾生客氣用事分門立戶互為謗訕交相攻擊以致一切無知凡愚接踵效尤罔所忌憚故諸厄劫因仍無已臣今欲以微言往復開示俾此三教之人咸知殊途同歸之義庶彼眾生無起障礙稍保真宗且修道之士誤守陳言用功舛謬迷亂靈臺終喪本根臣今以已意摭拾往訓作為三品妙諦聊當漆室一燈俾升仙成佛無難言下了悟未審此